

**Io. Iac. Chiffletii De Linteis Sepvlchralibvs Christi
Servatoris Crisis Historica**

Chifflet, Jean-Jacques

Antverpiae, 1624

Cap. XII. Hæreticus impudens causo absumptus: ciuis grauißimè laborans
& Bonus Archiepiscopus curati. Obiter de Magnatum donariis.

[urn:nbn:de:hbz:466:1-64456](#)

est ex illâ horâ. Idem aliàs in Oriente factum ostendimus inferiùs, virtute cuiusdam imaginis Christi αχερποίτε, in ædes Mariæ Patritiæ languentis importatæ. Non diu tamen inualuit mos ille deferendi S. Sudarium in priuatas ægrotantium domos; eum quippe circa annum M. D. X L. abrogatum legimus: quo etiam tempore, cùm miraculorum & beneficiorum fama commoueretur, ut pretioso linteo maior exhiberetur veneratio, è veteri ιερῷ τέῳ, quod altari maiori subiacet, ad amplius facellum translatum est, & ibi decentissimè (argenteo scrinio gentilitiis insignibus Nobilium de Vasis & de Vilet à ornato conclusum) super altari in armario est collocatum. Extruxerant pridem hoc facellum S. Maimbodo Martyri Comites Mōtis Beligardi, quod deinde Garnerius & Monriuellius Canonici pictis tabellis & cancellis, vna cum predicto Leonardo de Gruerijs locupletarūt..

C A P V T X I I.

Hæreticus impudens causa absumptus: ciuis grauiſſimè laborans, & Bonus Archiepiscopus curati: obiter de Magnatum donarijs.

A DEFVNCTI suscitatione, nullum miraculum illustrius eo quod è Codice manuscripto didici:

didici: nimirum cùm tantæ erga S. Sudarium religionis & celebritatis frequentiâ offensus quidam externus hæreticus fremeret; & odium, quod in Christum ipsum non poterat, in eius Sudarium profunderet, affirmauit, si facultas esset, se protinus illud flammis iniecturum, & in cineres redacturum. Non diu nec impunè id tulit impius: etenim repente corruptus est intestino causâ incendio, & arsit flammis vtricibus, qui talia ore sacrilego in diuinum Sudarium fuerat debacchatus. Tempus Codici minimè est adscriptum, verum è scripturâ appareat eum esse peruetustum. Incerto quoque tempore ibi narratur aliud vetus, de Bisontino quodam ciue, qui vniuersi corporis turbatâ ~~negat~~, diuturnis omnium membrorum doloribus adeò miserè torquebatur, vt attingi se vel mollissimis digitis vix pati posset, quin erumperet in clamores, & ægrè dolentium querelas: occurrit ei S. Sudarij pia cogitatio, votum Christo nuncupat, seque beneficij non immemorem pollicetur. nec morâ, sentit vires sibi restitui, sedantur dolores, & perit morbus. sanus & voti reus montem concendit, grates peragit, tabella miraculum testatus, in quâ rem gestam versibus Gallicis, pijs magis quam bonis, etiamnum descriptam habes.

Anno

Anno deinde M.D.XLI. xvii. Iunij, Antonius de Vergeyo Bisontinus Archiepiscopus, à profusiori in egenos liberalitate Boni cognomentum sortitus, cùm annum ætatis quinquagesimum septimum iam attigisset, Giaci in castro suo, forti apoplexiâ correptus est: ἀπνοίᾳ & ἀφωνίᾳ laborantem, & ab assidentibus pro desperato habitum, domestici Christo Seruatori in Sudario Bisontino diuinitus depicto calidè vouent: illorum preces & vota exaudit Deus, & ad cultum Sudarij sui magis magisque promouendum celebre patefacit miraculum: ecce enim sospitem inopinatò virum summum, qui postquam gratias Deo Vesontione persoluit, statuam habitu Præsulis supplicantis collocauit in S. Sudarij facello, quò patratum in se miraculum posteris testaretur. Obiit postea placide, & integris sensibus usque ad ultimam periodum xxix. Decembribus eiusdem anni M. D. XLI.

Cleriadus de Vergeyo Aurei velleris Eques, & in præsentiarum liberæ Burgundiæ pro Catholico Rege Gubernator, à cultu & veneratione maiorum erga S. Sudarium nullatenus deflexit; etenim quotiescumque præsentit publicè euolendum, è castro Grayacensi Vesontionē pergit, ut illud veneretur; quin & anno elapsō M.DC.XXI. lam-

K pa-

padem argenteam benè grauem (insigne munus) inibi obtulit, adiectâ numeratæ pecuniæ summâ, cuius prouentus annuus oleo ministrando abundè suppeteret. aliam ex eodem metallo affabré labratam pridem appenderat Cladius de Rye Baro à Balançon , legionis Burgundicæ in exercitu Belgico Catholici Regis Dux veteranus. Alij huiuscenostri æui Magnates muneribus votiuis affectum erga S.Sudarium maximè sunt testati, quæ loci religionem faciunt insigniorem. Nimis longum esset singula hîc recensere : vnum inter alia memoratu dignissimum est, vexillum militare vetus & lacerum , quod à nobis ibi visum, cum hac suppositâ epigraphe:

Enseigne du Conte de Hornes, gaignée par les Mores en la Gollette de Thunes, & depuis reconquise par les Chrétiens à la prinse dudit Thunes, & vouée au sainct Suaire de Besançon.

Golleta arx est Tuneti in Africâ munitissima, quam anno salutis M. D. xxxv. cum oppido ipso expugnauit Carolus V. Imperator, pulso Barbarossâ, cæsoqué magno Turcarum numero.

Lotharingiæ Principes feminæ non ita pridem S. Sudario præsentes vota reddiderunt, ac præclara munera postmodum miserunt, magni pretij sacra indumenta. Adfuit etiam cum votis nuper

nuper è Galliâ Condæi Principis m ater Prin-
ceps. Sed munificentâ præcelluere c eteris Sere-
nissimi Archiduces Austriæ Albertus & Isabella
sanctissimi coniuges , tum missis ad a ltaris S.Su-
darij decorationem sericis ornamentis auro in-
textis; tum magnâ pecuniæ summâ collatâ, ad
Odei sublimis & marmorei in Ecclesiâ S. Ste-
phani exstructionem , cuius primarius lapis pos-
tus v. Idus Maij, anni præsentis M. D C. xxiii. pro-
curante Ill^{mo} ac R^{mo} D.Francisco de Rye, Archi-
episcopo Cæsariensi, Archiducum prædictorum
magno Eleemosynario , Metropolis Bisontinæ
maiori Decano.

C A P V T X I I I .

*Cæci cum fide visum recipiunt : ex oculis laboran-
tes persanantur : aliis ad tempus adimitur visus.*

ANNO Domini M. D. xxxvi. instabat Festum
Paschatis, quo numerosa populi turba, S.Su-
darij visendi causâ, Vesontionem confluit; Nico-
laus quidam Rozius de Milleyo pago , prope op-
pidum Iussæum, iampridem oculorum casus lu-
mine, illuc profici sci optat : ille eò redactus erat
egestatis, ut neminem qui gressum regeret , duce-
retque ad illud celeberrimum perfugium, nan-

K 2 cisci